

ՆՐԻՏԹՈՒՐՔՆԵՐԻ ՀԱՅԱՋՆԵՐՄՈՒՄԻ ՔԱՂԱՔԱԿԱՆՈՒԹՅԱՆ ՊԱՏՄՈՒԹՅՈՒՆՆԵՐԻ

Մ. Ե. ՄԱՐՏԻՐՈՍՅԱՆ

Պատմության ժամանակակից թուրք կեղծարարները նենգաբար ժխտում են արևմտահայության 1915 թ. արյունալի սպանգր: Աղավաղելով առաջին համաշխարհային պատերազմի տարիների հայ ժողովրդի պատմությունը՝ նրանք եղեռնը ներկայացնում են իբրև պատերազմով պայմանավորված տեղահանություն: Այս խեղաթյուրումն առաջնահերթ է դարձնում ոչ միայն առաջին աշխարհամարտի տարիների, այլև արհավիրքի նախօրեի երիտթուրքերի հայաչինջ քաղաքականության լուսաբանումը, քանի որ Մեծ Նղեռնը նախապատրաստվել է հենց այդ ժամանակ՝ իբրև պաթերական կոտորածների թուրքական քաղաքականության հերթական բռնկում, միայն ավելի մեծ ընդգրկումով:

1908 թ. զինվորական հեղաշրջմամբ անցնելով իշխանության գլուխ, երիտթուրքերը շուտեցին օսմանյան նախորդ բռնակալների՝ այլազգիների հալածման քաղաքականության հետևանքով կայսրությունում առաջնակի սրված ազգային հարցը: Ունենալով այլադավան ու այլախոս ժողովուրդների շահերը, նրանք հանդես եկան օսմանիզմի, իսկ 1912—1913 թթ. Բալկանյան պատերազմից հետո՝ պանթուրքիզմի մարդատյաց գաղափարախոսությամբ:

Հակահայ քաղաքականության առաջին ապացույցը երիտթուրքերը տվեցին սահմանադրության հաստատման հենց հաջորդ տարին՝ 1909 թ. ապրիլին, Ադանայի հայության կոտորածով: Ժամանակակիցներից մեկն այսպիսի վկայություն է թողել. «Հարվածը՝ ծանր, արյունը՝ հորդահոս, եղեռնը՝ քստմեղի ու տառապանքը՝ անհանդուրժելի: Ահա այն վիճակը, որում ենթարկվեցավ Ադանա իր շրջակայքով, օսմանյան հայրենիքի եղբայրակցության շրջանի մեջ:

Արյունոտ համարյա»¹:

Երիտթուրքական կառավարող շրջանները ոչինչ չարեցին անլուր զորականների դատապարտված արևմտահայ աշխատավորության կյանքը բարելավելու համար, ավելին՝ հայաչինջ քաղաքականության բոլոր փորձված լծակները գործադրելով, հայկական վիլայեթներում ամրապնդեցին անարդարության ու օրինազանցության փաստացի տիրապետությունը: Նկարագրելով արևմտահայերի անագորույն կացությունը, «Մշակի» թղթակից Լ. Սարգսյանը գրում էր. «Կարելի է անպատիժ տալ հայի գլխին, վռնդել նրան իր հողից, խել նրանից ընտանիք, պատիվ և այդ անիրավությունների դիմաց քրքիչով նրան ցույց տալ թուրքական «դատարանները», որոնց գոյությունը քստմեղի ծաղր է ու նախատինք արդարադատության գաղափարի»²:

Երիտթուրքերի համար պանթուրքիզմը գործողության ծրագիր էր, որն իրագործելիս կանգ չէին առնում ոչ մի միջոցի առաջ: Թուրանական լայնածավալ տերությունը ստեղծելու ցնորական պլանների իրագործման ճանապարհին ի դեմս հայ ժողովրդի նրանք տեսնում էին գլխավոր խոչընդոտի: Մակայն հնարավորություն չունենալով նրան հենց սկզբից ֆիզիկապես բնաջնջել, երիտթուրքերը ձեռնամուխ եղան Արևմտյան Հայաստանում անսպասելի ու սպառնալի կացությունը մշտնջենավորելու և տնտեսական սնանկաց-

1. Մշակ, 1909 թ., էջ 3, Ադանայի շարքը և պատասխանատուները, Կահիրե, 1909 թ., էջ 3:

2. Մշակ, 9. I. 1913 թ.:

ման ենթարկելու միջոցներով արևմտահայությանը իր պատմական բնօրրանից դուրս մղելուն: Պանթուրքիստենը նպատակ ունեին հանգիստ ու անաղմուկ, ժառանց ջարդերի ու կոտորածների, որոնք կարող էին առաջ բերել մեծ տերությունների միջամտությունը, բնաջնջել հայ տարրը, աստիճանաբար տնտեսապես ոչնչացնել նրան, նրա հետագա գոյությունը դարձնել անհնար և ամբողջովին դուրս մղել նրան իր պատմական, տոհմական հողերից...»³:

Արևմտյան Հայաստանում գործվող ոճիրներին երիտթուրքական կառավարությունը նայում էր իբրև անտարբեր հանդիսատես: Վանի ռուսական փոխհյուպատոս Ս. Օլֆերեր 1912 թ. օգոստոսի 30-ին դեսպան Մ. Գիրսին գրում էր. «Սարսափելին այն է, որ ոչ մի հանցագործություն չի բացահայտվել»⁴:

Հայկական վիլայեթների թուրքական վարչական ապարատն իր գոյությունը զգացնում էր միայն հարկահանության ժամանակ: Ողբերգականն այն էր, որ խեղճ հայերը,—ինչպես 1914 թ. ապրիլի 22-ին կաթողիկոսին գրած նամակում նշում էր Մուշի առաջնորդարանի քարտուղար Տիգրան Հարությունյանը,—գարունեն մինչև աշուն կաշխատին միայն կշտացնելու համար գազանաբարո մարդասպաններ, որ միշտ կսպառնան զանոնք բնաջինջ լինել»⁵:

Երիտթուրքական կամայականությունների պայմաններում ամենուր ոտնահարվում ու արհամարհվում էին դարեր շարունակ տառապանքի ծանր շղթաները կրած արևմտահայության ազգային ու կրոնական զգացումները: 1912 թ. սեպտեմբերի 8-ին Ադանայի ռուսական փոխհյուպատոս Մալրոմատին դեսպան Մ. Գիրսին գրում էր. «Բավական է մտքդ քրիստոնյա լինի, որպեսզի նրա գործը տանուլ տրվի գառարանում և որպեսզի նրան կախաղանի ճանաչեն ամեն անգամ, երբ հակառակ կողմը մահմեդական է»⁶:

Հայկական վիլայեթները լիակատար անիշխանության էին մատնված: Գավառում տեղի ունեցողություններն էին անում թուրք ու քուրդ ավազակապետներն ու ցեղապետերը, իսկ քաղաքում՝ թուրք պաշտոնյաները: Էրզրումի ռուսական հյուպատոսության խորհրդական Վիշինսկին 1912 թ. նոյեմբերի 28-ին Կովկասի ռազմական օկրուգի շտաբ ներկայացրած զեկուցագրում նշում էր. «Առանց չափազանցությունների կարելի է ասել, որ Թուրքիայի արևելյան վիլայեթների հայ բնակչության դրությունը ոչնչով լավ չէ համիդյան ժամանակներից, ընդհակառակը, անգամ վատ է. նախկինում գոնե ինչ-որ իշխանություն կար, իսկ այժմ գավառներում լիակատար անիշխանություն է տիրում»⁷:

Երիտթուրքական տեղական իշխանությունները, առաջնորդվելով ռասիստիկ, «որ տիրես» սկզբունքով, ամեն ինչ անում էին արևմտահայության անաղաճ կացությունը քրիստոնյա և մահմեդական բնակիչների «թշնամական» փոխհարաբերություններին վերագրելու համար: Հակահայկական տրամադրություններ հարուցելու ամենահարմար միջոցը հայերի՝ Ռուսաստանի գործիք դառնալու և օտարերկրյա միջամտություն հրավիրելու զորպարտություններն էին: Ամենուր տարածվում էին կեղծ լուրեր, թե իբրև Ռուսաստանը նախապատրաստում է հայկական ապստամբություն ու դրա հա-

³ Биржевые ведомости, 10. I. 1913.

⁴ Архив внешней политики России (далее—АВПР), ф. Посольство в Константинополе 1912 г., оп. 517, д. 1603, г. Ван, л. 45.

⁵ ՀեՄՀ պատմության պետական կենտրոնական արխիվ (այսուհետև ՀեՄՀ ԳՊԿ), ֆ. 57, ց. 5, գ. 66, ք. 12.

⁶ Геноцид армян в Османской империи. Сборник документов и материалов, под редакцией М. Г. Нерсисяна, Ереван, 1983, с. 231—232.

⁷ Центральный государственный военно-исторический архив СССР (далее—ЦГВИА СССР), ф. 2000 ГУГШ, оп. 1, д. 7716, л. 433.

մար արագորեն զինում է հայերին⁸։ Այս պրոպագանդիստական աշխատանքներն ուժեղացան րազկանյան պատերազմների ժամանակ, երբ թուրք աշխատավորությունը ռեզոն հարկերի վերջին ժանրացումներից, ճնշումներից ու զորահավաքներից, բարձրաձայն իր դժգոհությունն ու բողոքն էր հայտնում կառավարության դեմ⁹։ Այսպես, հայերի ապստամբության ու ռուսական առաջխաղացման սպառնալիքների մասին սուտ տեղեկություններ տարածելու և կանխամտածված զրգուրումներ առաջ բերելու շնորհիվ՝ երիտթուրքերը ոչ միայն արդարացնում էին ապօրինի հարկերի գանձումն ու անվերջ զորահավաքների անցկացումը, այլև իրենց ձեռնադրում հունով փոխում էին թուրք աշխատավորության սոցիալական պայքարի ստա՝ ժայրը։ Այս քաղաքականությունն առավել ցայտուն դրսևորվեց քրդական շարժման նկատմամբ վերաբերմունքով։

1913—14 թթ. Օսմանյան կայսրության մի շարք շրջաններում վերելք էր ապրում քրդական ազգային-ազատագրական շարժումը, որն ընդգրկել էր նաև Արևմտյան Հայաստանի քրդաբնակ վիլայեթները։ Արդեն 1912 թ. դեկտեմբերին Վանի ու Բիթլիսի վիլայեթներում շրջում էին ագիտաշարներ, որոնք քուրդ բնակչությանը կոչ էին անում ապստամբել կառավարող վարչակարգի դեմ¹⁰։ Քրդական շարժման ուժեղացումը մահացու վտանգ էր Բալկաններում պատերազմող երիտթուրքական կառավարության համար։ Իթթի-հատականները գնահատելով շարժման ամբողջ վտանգավորությունն օսմանյան կազմավորվող կայսրության համար և ղրկված լինելով այն հենց սկզբից արյան մեջ խեղդելու հնարավորությունից, գործադրեցին թուրք սուլթանների փորձված քաղաքականությունը՝ կրոնական մոլեռանդության հողի վրա պայքարն ուղղել քրիստոնյա բնակչության դեմ։ Ազգամիջյան թշնամանքի ու կրոնական խտրականության հիմքի վրա հայ և քուրդ ժողովուրդների միջև հակասությունների բորբոքումը դարձավ երիտթուրքական կառավարող շրջանների քաղաքականության հենք։ Առաջին հերթին գործադրվում էր ռուսական հարձակման առասպելը։ Հետևում էին հատուկ գործակալներ, որոնք քրդական բնակչության շրջանում ռուսական դրավումը ներկայացնելով որպես քրդերի ստորադասում ռայա հայերին, բացում էին մահմեդական ֆանատիզմ ու սրբազան պատերազմի էին կոչում ընդդեմ Ռուսաստանի։ «Բիրթեկե վեգոմոստի» թեոթի թղթակից Ա. Բերեզովսկին (Տ. Օլգենին)¹¹ վկայում էր, որ թուրքական պառլամենտի երկու նախկին ներսավոր պատգամավորներ քրդաբնակ վայրերում զբաղված էին հակառուսական ու հակահայկական պրոպագանդով¹²։

Ծրկու հարևան ժողովուրդներին միմյանց դեմ լարելու երիտթուրքական նենգամիտ քաղաքականությունն ակնառու դրսևորվեց քրդական ավազակախմբերի նկատմամբ դիրքորոշմամբ։ Իթթիհատական սլարաչլուխները հան-

⁸ См. АВІР, ф. Посольство в Константинополе, оп. 517/2, д. 3724, л. 17—18, 33.

⁹ АВІР, ф. Политархив 1913 г., оп. 482, д. 3460, л. 70.

¹⁰ ЦГВИА СССР, ф. 2000 ГУГШ, оп. 1, д. 1716, л. 393—394.

¹¹ Ինչպես Արդուլ Համիդը, այնպես էլ երիտթուրքերը արգելում էին որևէ օտարերկրյա թղթակցի կամ ճանապարհորդի Արևմտյան Հայաստանում ուսումնասիրություններ կատարել։ Ա. Բերեզովսկին ժամանակի եղակի թղթակիցներից ու հրապարակախոսներից մեկն էր, ում հաջողվեց 1913 թ. փետրվար-մայիս ամիսներին լինել հայկական բոլոր վեց վիլայեթներում։ Իր տպավորությունները նա շարադրել է «Անհետացող Հայաստան» ընդհանուր խորագրով մեկ տասնյակից ավելի հոդվածներում, որոնք տպագրվեցին «Բիրթեկե վեգոմոստի», «Ռուսկոյե սլովո» թերթերում և անդրկովկասյան մամուլի էջերում։ Ռուս հրապարակախոսը նույն թեմայով դասախոսություն է կարդացել Քիֆիսում և Բաքվում։ Այդ մասին մանրամասն տե՛ս Ա. Հ. Զաքարյան, Ռուս հրապարակախոս Տ. Օլգենինը Հայաստանի և Հայկական հարցի մասին (Պատմա-բանասիրական հանդես, 1989, № 4, էջ 66—84)։

¹² Մշակ, 29. V. 1913.

ցավոր թողնվածությամբ ու խրախուսանքով էին վերաբերվում քրդական թա-
լանատենչ ավազակախմբերի ոճիրներին:

Երիտթուրքերն իրենք էին զինում քուրդ ավազակախմբերին և ուղղում
արևմտահայերի դեմ: Ականատեսներից մեկը պատմում է ժամանակին բնո-
րոշ հետևյալ դեպքը: Երբ խիզանի քրդերը Բիթլիսի վալի Ալի փաշայից
զենք պահանջեցին, հայերը, իմանալով այդ մասին, հայտնեցին ոռոսական
հյուպատոսին: Վերջինս վճռականորեն բողոքեց: Թեև վալին առերես հրա-
ժարվեց, սակայն զենքը տվեց: «Բիթլիսից ինուս ուղարկվեց փոստ, որին
վալիի հրամանով, պետք է ուղեկցեր 115 զինվորից բաղկացած ջոկատ: Ծա-
նապարհին քրդերը, ըստ վալիի բացատրության, «ցուցատը կանգնեցրել ու
զինաթափել են»: Մի քանի օր հետո այդ նույն պատմությունը կրկնվեց ար-
դեն 150 մարդկանց հետ և եթե այն չկրկնվեց երրորդ անգամ, ապա միայն
ոռուսաց հյուպատոսի վճռական սպառնալիքների շնորհիվ»¹³:

Քրդական ավազակախմբերի ու համիդիեզ զնդերի միջոցով հայերին
անարգել կողոպտելու քաղաքականությամբ երիտթուրքական կառավարու-
թյունը հետամտում էր երկու նպատակ: Մի կողմից սաստկացնել հայկական
վիլայեթներում տարածված տնտեսական ու քաղաքական աղաղակող անի-
րավությունները, որոնք հայ բնակչությանը կհարկադրեին արտագաղթել, իսկ
մյուս կողմից՝ ներսից կազմալուծել հայկական ու քրդական ազգային-աղա-
տաբրական շարժումները: Քուրդ բեկերն ու աղաները, հեշտ ավար ձեռք
բերելով, չէին տեսնում չարիքի բուն աղբյուրի՝ թուրքական կառավարու-
թյան խորամանկ քաղաքականության իրական զսպանակները: Ուստի, երբ
հայ ազատամարտի մի շարք ներկայացուցիչներ քրդական շարժման ղե-
կավարության հետ համագործակցության եզրեր գտնելու և միասնական
հակաթուրքական ճակատ ստեղծելու փորձեր էին անում, հանդիպում էին
քուրդ վերնախավի կողմից հայ ազգային-ազատագրական շարժումներն
իրենց շահերին ծառայեցնելու կարճատես պլանների: Այնինչ, երկու ժողո-
վուրդների ազգային-ազատագրական շարժումները կամրջելու փորձերը, ան-
գամ, մասնակի դեպքերում, կարող էին երիտթուրքական կառավարության
համար լուրջ բարդություններ ստեղծել¹⁴:

Պահպանելով հին պետական ապարատը, երիտթուրքերը հայկական վի-
լայեթների կառավարման ղեկի մոտ թողեցին արդուհամիդյան վարչակար-
գի պաշտոնյաներին, առանձնապես դատավորներին ու ոստիկանապետե-
րին¹⁵: Հայ բնակչության նկատմամբ գործվող ոճիրները խրախուսելու քա-
ղաքականությունը երիտթուրքերն իրագործում էին առաջին հերթին ոստի-
կանության ու ժանդարմերիայի միջոցով: Վանի վալի Իսմայիլ Հաքբը բեյը
ոռուսական փոխհյուպատոս Ս. Օլֆերեի հետ զրուցելիս խոստովանում էր, որ
«ավազակներին պատժելու համար ուղարկված զինվորները ստանում են
բանավոր հրահանգ՝ «չկրակել մահմեդականների վրա»¹⁶:

Ոգևորված կենտրոնական կառավարության վերաբերմունքից՝ թուրքա-
կան ոստիկանությունը քրդական ավազակախմբերի անիրավությունները
դատապարտելու փոխարեն հաճախ ինքն էր հրահրում կամ նոր ոճիրների
հեղինակ դառնում: Նրանք ցանկացած ժամանակ, զենք փնտրելու պատրվա-
կով, ներխուժում էին հայերի տները և ապօրինի խուզարկություններ կա-

¹³ Русское слово, 20, XII, 1913.

¹⁴ Մանրամասն տե՛ս, Ա. Ս. Համբարյան, Երիտթուրքերի ազգային ու հողային
քաղաքականությունը և ազատագրական շարժումները Արևմտյան Հայաստանում, Երևան,
1979, էջ 284—292:

¹⁵ М. Б. Хаджетлаше, Убийца на троне (записки начальника тайной по-
лиции в Турции), Петроград, 1918, с. 6.

¹⁶ АВПР, ф. Посольство в Константинополе 1912 г., оп. 517, д. 1603, г. Вац,
л. 143.

տարում, որոնք գրեթե միշտ ուղեկցվում էին հափշտակություններով ու շահատակություններով: Անգամ սառը զենք հայտնաբերելիս հայերին մեղադրում էին ապստամբություն կազմակերպելու մեջ և առանց դատ ու դատաստանի նետում բանտ: 1912 թ. հոկտեմբերին Տարոնի հայոց հոգևոր առաջնորդ Ներսես եպիսկոպոս Խորախանյանը կաթողիկոս Գևորգ V-ին դրում էր. «Թուրքական ոստիկան զինվորները (ժանդարմա), որոնց պաշտոնը գլխավորապես գավառի ապահովության հսկելն է, շարագործները հալածելով և ձերբակալելով, սակայն իրենք ավազակներն ոչ նվազ շարիք մըն են գյուղացի ժողովրդյան, զորս կհլուծեն, կխոշտանգեն, կկեղծեն, որոնցմե ձրի կստանան իրենց և ձիերու կերակուրը...»¹⁷:

Երիտթուրքական կառավարության հայաշինչ պլաններում կարևորվում էր հայկական վիլայեթներում թուրք գաղթականներին (մուհաջիրներին) վերաբնակեցնելու քաղաքականությունը, որը հետամտում էր մի քանի նպատակ: Բալկանյան առաջին պատերազմի հետևանքով այնտեղից գաղթող հողագուրկ և տնազուրկ մուհաջիրները հայկական վիլայեթներում կարող էին ստանալ և՛ մշակված հողեր, և՛ պատրաստի տներ: Այսպիսով, կառավարությունն ազատվում էր նրանց նոր կացարաններով ու աշխատանքով ապահովելու հոգսից: Սակայն հայ բնակչությունը, բնականաբար, կամովին չէր զիջում իր տունն ու տեղը: Եվ այստեղ դրսևորվում էր երիտթուրքական կառավարության ողջ շարամտությունը: Չսահմանափակվելով արտագաղթի հետևանքով հայրենիքը լքած հայերի ունեցվածքի զավթումով, իթթիհատականները կա՛մ մահվան սպառնալիքի տակ, կա՛մ զանգվածային ձերբակալություններով ու բռնի վտարումներով հայերին հարկադրում էին իրենց տունն ու հողը զիջել մահմեդական գաղթականությանը: Նրանց պահանջախնդրությունների առաջ հայերի բոլոր իրավունքներն արհամարհվում ու անտեսվում էին¹⁸:

Մուհաջիրների վերաբնակեցմամբ երիտթուրքական կառավարությունը հայ բնակչությանն աստիճանաբար շրջապատում էր մահմեդական մեծամասնությամբ, որը հնարավորություն էր տալիս քրիստոնյա ազգաբնակչությանը մասնատելու ճանապարհով կանխել հակապետական որևէ շարժում կամ ձգտում¹⁹: Մուհաջիրների հաստատումն Արևմտյան Հայաստանում ավելի սրեց ազգամիջյան հարաբերությունները: Պատերազմում պարտության ու, հետևաբար, իրենց ներգաղթի մեղքը կայսրության քրիստոնյա բնակչությանը վերագրելով մահմեդական խառնամբուխ իր վրեժխնդրությունն ուղղում էր արևմտահայության դեմ:

Հայկական վիլայեթներում մուհաջիրների վերաբնակեցումը դադարեցնելու համար Կ. Պոլսի հայոց պատրիարքարանի և ոռոսական դեսպանատան բազմաթիվ դիմումներն ու բողոքները մնում էին ապարդյուն: Պանթուրքիզմի ձայնափողներից «Թասֆիրի էֆքյար» թերթը մուհաջիրներին վերաբնակեցնելու քաղաքականությունը հիմնավորում էր այն ցինիկ մեկնաբանությամբ, թե հայ բնակչությունն ռանկարող է... մշակել մեծ տարածությամբ ազատ մնացած հողերը»²⁰:

Երիտթուրքերը հետևողականորեն շարունակում էին հայերի բռնի իսլամացման քաղաքականությունը: Նրանց կառավարման տարիներին արևմրտահայության իրավագրկության այդ ցայտուն ապացույցը՝ կրոնափոխությունը, կատարելագործվել էր: Դա պայմանավորված էր ոչ միայն նրանով, որ հայերը երիտթուրքերի աչքին անբարեհույս ու անվստահելի էին, քանի որ հայ ազատամարտը և նրա դիվանագիտական որակումը՝ Հայկական հարցը, եվրոպական երկրների ձեռքին միշտ հարմար առիթ էր կայսրության

17 Բաները Հայաստանի արխիվների, 1965, № 1, էջ 41:

18 Новое время, 31. V. 1913.

19 Ա տ ո մ, Բարենորոգումներու հարցը, Կ. Պոլիս, 1914, էջ 35:

20 Մշակ. 9. III. 1913:

ներքին գործերին միջամտելու համար, այլև հայկական բնօրրանում արևմտահայ ժողովրդի թվի նվազեցման, նրա դիմահեղման ու մահմեդական տարրի ստվարացման լավագույն միջոցներից էր: Բռնի իսլամացումներն ու այդ պատճառով ծագող արյունահեղ ընդհարումները, երիտթուրքերի հարմարագույն միջոցներից էին կրոնական մոլեռանդության հողի վրա հայթուրքական ու հայ-քրդական արհեստական հակասություններ առաջացնելու և այդ ժողովուրդների սոցիալական ու ազգային-ազատագրական պայքարի կամուրջները խորտակելու համար: Առաջին աշխարհամարտի նախօրեին Օսմանյան կայսրությունում հայերի բռնի կրոնափոխության բազմաթիվ ու բազմապիսի օրինակներ են հայտնի: 1912 թ. հոկտեմբերի 25-ին Ղարաքիլիսայի առաջնորդական տեղապահ Կ. Պոլսի հայոց պատրիարքարան էր հեռագրում տեղացի երկու հայուհիների՝ Զմրուխտի ու Անգինի առևանգման, նրանց բռնի իսլամացման ու տեղական իշխանությունների կողմից կրոնափոխությունը վավերացնելու մասին²¹:

Հավատարմորեն ծառայելով թուրքական բուրժուազիայի ու ֆեոդալական վերնախավի շահերին՝ իթթիհատականները ամեն ինչ անում էին, որպեսզի չքավորության ու թշվառության մատնված հայ բնակչությունը վերջնականապես սնանկանա: Դրա համար միայն պարբերական բազմազան ճնշումները բավական չէին, անհրաժեշտ էր խել հայ գյուղացիության գոյության միակ աղբյուրը՝ հողը, ու դրանով նրան զրկել տնտեսական հիմքից: Այդ նպատակին էին ծառայում հայկական վիլայեթներում ստեղծված հողագործական բանկերը, որոնք ամենատարբեր հնարներով կախման մեջ էին գցում հայ գյուղացիներին: Ահա դրանցից միայն մեկը: Դրամական խնդրանքով իրեն ներկայացած հայ գյուղացուն բանկը տրամադրում էր անհրաժեշտ գումարը, միայն ստորագրություն էր վերցնում, «որ եթե ճիշտ մի տարուց հետո չվերադարձվի վերցված գումարը իր խոշոր տոկոսով, ապա գյուղացու հողը ձեռքից կգնա առանց որևէ դատարանի կամ վճռարեկ ատյանի... միամիտ գյուղացին համաձայնում է, որովհետև նրան այդ րոպեին՝ կարիքից դուրսված՝ փող է հարկավոր: Աչքը փակեց տարին անցավ և խեղճ գեղջուկի գոյության միակ աղբյուրը՝ թուրք կառավարության լարախաղաց ճարպիկության շնորհիվ, ձեռքից գնաց ընդմիշտ»²²:

Սակավահող ու հողազուրկ գյուղացիներին օգնելու նպատակով հիմնադրված բանկերը երիտթուրքական կառավարության հակաժողովրդական քաղաքականությամբ դարձել էին «երկրի աղաների, բեկերի և կառավարական պաշտոնյաների ձեռքին մի տեսակ որոգայթ, խեղդելու համար... չքավոր հայ գյուղացիներին»²³:

Էրզրումի ուսական հյուպատոս Ադամովը 1913 թ. մայիսին կենտրոնական կառավարությանը հեռագրում էր, որ թուրքական հողագործական բանկը «վերջին ժամանակներս ուժգնորեն զբաղվում է հայերի հողագրկմամբ, վերջիններիս տրամադրելով արտասովոր բարձր փոխառություն անշարժ գույքի վրա և այդ ձևով նախապես դատապարտելով նրանց հողերի անցումը բանկի ձեռքը...»²⁴: Այդ ճանապարհով բանկի տրամադրության տակ գոյանում էր հողային ազատ ֆոնդ, որը երիտթուրքական կառավարությունը տրամադրում էր ինչպես քուրդ, այնպես էլ թուրք գաղթականներին: Այսպես, օրինակ, միայն Բայբուրգի կազայում բանկի միջոցով հայերի հողազրկմամբ առաջացած հողերում տեղավորվեցին յոթ հազար մուհաջիրներ²⁵:

Օգտվելով իրենց իսկ ստեղծած տագնապի ու սարսափի ընդհանուր տրամադրություններից, երիտթուրքական կառավարող շրջաններն ավելի

21 ՀեՍՀ ՊԳԿԱ, ֆ. 57, ց. 5, գ. 24, թ. 4:

22 Մշակ, 29. V. 1913:

23 Նույն տեղում, 17. XI. 1913:

24 АВГР, ф. Посольство в Константинополе, оп. 517/2, л. 3724, л. 12:

25 Русское слово, 22. XII. 1913:

ժավալեցին հայերի հողագրկումը, խլվեցին նույնիսկ որբանոցների, հիվանդանոցների, ուսումնական հաստատությունների հողակտորները, որոնք այդ հիմնարկությունների գոյության հիմնական աղբյուրն էին:

Հողային հարցում երիտթուրքերի հակահայ քաղաքականությունն առավել ցայտուն դրսևորվեց զուլումի տարիներին արտասահմանում պատսպարված հայերի հողերի ապօրինի զավթումներն օրինականացնելով: Իհն: հեղափոխությունից առաջ երիտթուրքերը պատրաստակամություն էին հայտնում վերադարձնել հայերից խլված հողերը: Վտարանդի հայերը, հավատալով երիտթուրքերին, սահմանադրության հաստատումից հետո վերադարձան և փորձեցին հետ ստանալ իրենց տունն ու հողը: Սակայն իթթիհատականները ոչ միայն չօժանդակեցին, այլև սկսեցին անօրինական բռնազրավումներն օրինականացնելով հովանավորել հափշտակիչներին: Կ. Պոլսի Ազգային ժողովը 1912 թ. դեկտեմբերի 21-ի նիստում, արտահայտելով իր հիասթափությունը երիտթուրքական կառավարության ագրարային քաղաքականությունից, փաստում էր. «մենք նախորդ ուժի մի շրջանին անիրավի գրավված հողերու վերադարձվելը կսպասեինք, Սահմանադրության շրջանին մեջ ոչ միայն հուսախաբ եղած ենք, այլ նոր նոր գրավումներն ալ կուղան ստվարացնել հին շարունակությունները»²⁶:

1913 թ. սեպտեմբերին անգլիացի Նոել և Հարոլդ Բուկստոն եղբայրները հայ մեծանուն վիպասան Բաֆֆու ավագ որդու՝ Արամ Բաֆֆու ուղեկցությամբ շրջեցին Վանի վիլայեթում, ուր ակնատես եղան, թե ինչպես տեղական իշխանությունները հայ շինականներին վտարում էին իրենց պապենական օջախներից և այնտեղ բնակեցնում թուրք ու քուրդ եկվորներին²⁷:

Արևմտյան Հայաստանում հողային հարցի ամբողջ ողբերգությունը ստեղծվել էր հենց երիտթուրքական կառավարության ջանքերով²⁸: Հողային վեճերը դարձել էին հայ-թուրքական, հայ-քրդական ազգամիջյան ընդհանրությունների հիմնական պատճառ: Իրավացի էր Կ. Պոլսի ռուսական դեսպան Մ. Գիրսը, երբ 1912 թ. նոյեմբերի 26-ին Պետերբուրգ էր հեռագրում, թե Արևմտյան Հայաստանում «Ագրարային հարցը սրվում է օրեցօր, հողերի մեծ մասը զավթված է ու զավթվում է քրդերի կողմից և իշխանությունները ոչ միայն չեն խոչընդոտում, այլև հովանավորում ու օժանդակում են այդ զավթումները»²⁹:

Արևմտահայության տնտեսական կյանքի արգելակմանն էին նպաստակառուղված մշտական առևտրական բուկոտները, որոնց պրոպագանդան ու իրազդործման համար մեծ դեր էին խաղում մոլլաները՝ մահմեդական խավարամիտ ու հետամնաց ամբոխի ջարդելով չգնել քրիստոնյաների «պիղծ» ապրանքները: Բուկոտները որպես կանոն չէին սահմանափակվում միայն առևտրական հարաբերություններով, այլև ընդգրկում էին կենսական մյուս ոլորտները և միշտ ուղեկցվում էին շովինիստական տրամադրությունների աճով: Կ. Պոլսի հայոց պատրիարքարանի ազգային կենտրոնական վարչության հաշվետվություններից մեկում կարդում ենք. «Թրքաց շրջանակին մեջ ստեղծված հոսանքը, որ ոչ-իսլամներու հետ առևտրական հարաբերությունները դադարեցնելու կը միտեր, տնտեսապես վնասակար ըլլալն զատ՝ իսլամ և ոչ իսլամ տարրերու բարվոք հարաբերությանց պահպանման ալ վտանգ կ'սպառնար, տեղի տալով այլազան անպատեհություններու»³⁰:

²⁶ Ատենադրությունը Ազգային ժողովո, Կ. Պոլիս, 1912—13, նիստ ԺԸ, էջ 276:

²⁷ Մշակ, 1. X. 1913:

²⁸ Биржевые ведомости, 23. II. 1913.

²⁹ Сборник дипломатических документов, Реформы в Армении, Петроград, 1915, с. 3.

³⁰ Տեղեկագիր համարատվության 1912—14 շրջանի Ազգային Կեդրոնական Վարչության մատուցյալ առ Ազգային Ընդհանուր ժողովն ի 28 մարտ 1914 թ., Կ. Պոլիս, 1914, էջ 72:

Երիտթուրքական կառավարության քաջալերությամբ քուրդ բեկերի ու թուրք աղաների սանձակոտոր հարստահարություններն ու շահատակություններն այլևս կասկած չէին թողնում, որ արևմտահայերին բնաջնջելու արգուհամիդյան քաղաքականությունը վերականգնվել էր իր ամբողջ դաժանության մեջ ու անզուսպ շովինիզմով:

Թեև 1912—1914 թթ. հայկական վիլայիթներում զանգվածային կոտորածներ չեղան, բայց ամենուր իշխում էր ջարդերի սարսափը, որը սպառնում էր յուրաքանչյուր պահ իրականության վերածվել: Մշտական վախի մղձավանջային պայմաններում ժողովուրդը զրկվել էր վաղվա օրվա հավատից: 1912 թ. հուլիսի 15-ին Վանում ռուսական փոխհյուպատոս Ս. Օլֆերևը գեսպան Մ. Գիրսին հեռագրում էր, որ վիլայիթի հայ բնակչության համար ստեղծվել է այնպիսի կացություն, որ «ոչ ոք վստահ չէ վաղվա օրվա վրա: Այդ անվստահությունը ցավալիորեն անդրադառնում է բոլոր գործերի և հատկապես, առևտրի վրա»³¹: Գյուղացին թողած իր հողը, արհեստավորը՝ արհեստանոցը, զենքը ձեռքներին ստիպված էին օրուգիշեր հսկել, որ չարագործները չպղծեն իրենց տան պատիվը:

Երիտթուրքերի հայազերծումի քաղաքականությունը մոտեցել էր գաղաթյանակետին: Հայերի անօրինական խուզարկություններն ու ձերբակալությունները ավելի էին սրում առանց այն էլ լարված մթնոլորտը: Հնդհանուր կոտորածի երկյուղը ուրվականի նման շրջում էր հայկական վիլայիթներում: Արդեն 1912 թ. աշնանն էր ընկած ու շրջակա գյուղերում տեղի էին ունենում մահմեդականների զաղտնի խորհրդակցություններ, որտեղ քննարկվում էին քրիստոնյաների համատարած կոտորածի հարցերը: Իթթիհատական կոմիտեի անդամ Սեյֆուլան, դոկտոր Բեհրեմը, ժանդարմական մայոր Հայդար բեյը և ոստիկանության պետ Դուրակ բեյը հանդես էին գալիս էրզրումի հայ բնակչությանը բնաջնջելու բացահայտ քարոզներով: 1912 թ. նոյեմբերի կեսերին Դիարբեքիրում վիճակն այնքան պայթյունավտանգ էր, որ ցանկացած պահ կարող էր սկսվել արյունալի կոտորած, երբ, տեղական վալիի խոստովանությամբ, ոչ ոք չէր կարող պաշտպանել հայ բնակչությանը³²:

Բժիշկ Լ. Օշերովսկին, որ պատերազմի նախօրյակին աշխատել էր ռուս-թուրքական սահմանային տեղամասերից մեկում, վկայում էր. «Թուրքիայում հայերին ամեն քայլափոխում սպառնում է վերին ու ստորին իշխանությունների կամայականությունը, և հաճախակի են թուրք բաշիբոզուկների կողմից սպառնալի հաշվեհարդարներն ու բռնությունները»³³: Հեղինակն ընդգծում էր, որ «Թուրքիայում ոչ մի ժողովուրդ չի ապրում իր կյանքն այնպիսի ողբերգական տանջանքով և օրհասական ճիգով, ինչպես հայերը»³⁴: Մեկ այլ ռուս ականատես՝ Ա. Բերեզովսկին, «Անհետացող Հայաստանը» հոդվածում վկայում էր, որ երիտթուրքերի հակահայ քաղաքականության հետևանքով արևմտահայ բազմահազար աշխատավորության համար իր հայրենիքը վերածվել էր «տանջանքի ու ճնշման, վշտի ու աղքատության հովտի»³⁵:

Զրկված ինքնապաշտպանության ամենահասարակ միջոցներից՝ արևմտահայությունն անկարող էր դիմակայել մինչև ատամները զինված ու կառավարող իշխանությունների կողմից քաջալերվող քրդերի արյունոտ ալազակախմբերին: Բավական էր որևէ մեկն ըմբոստանար, իսկույնեթ պատժվում էր, կամ ընտանիքի պատիվն արատավորելով (առևանգում էին կանանց, աղջիկներին), կամ նյութական կորուստներով (հափշտակում ու

³¹ АВПР, ф. Посольство в Константинополе 1912 г., оп. 517, д. 1603, г. Ван, л. 97.

³² ЦГВИА СССР, ф. 2000 ГУГШ, оп. 1, д. 7716, л. 380—387.

³³ Л. Ошеровский, Идея автономного строя в Турецкой Армении под протекторатом России, Пятигорск, 1915, с. 5.

³⁴ Նույն տեղում, էջ 11:

³⁵ Русское слово, 20. XII. 1913.

ռչնչացնում էին անասուններին, այրում տները, խլում հողը) և կամ պարզապես սպանում էին:

Ամենօրյա ահուդողի և մահվան սարսափի մատնված արևմտահայ աշխատավորությունը խորին տաճնապոլ էր դիմավորում 1913 թ. գարունը, որովհետև վստահ չէր, որ ինչպես Արդուլ Համիդի, այնպես էլ երիտթուրքերի օրոք շարագործությունների շարքը նոր ուժով չի վերսկսվելու: Եվ իրոք, շրիտթուրքերը, նպատակ ունենալով խանգարել գյուղացիության գարնանային գյուղատնտեսական աշխատանքները, սաստկացրին հայահալած քաղաքականությունը: Ըստ երիտթուրքերի, սովի սոսկալի ուրվականը պետք է միանար ջարդի սարսափին՝ կախվելով կոտորածների մղձավանջի տակ սրմքած արևմտահայության վրա: Բնականաբար, այս որոգայթները նոր որակ հաղորդեցին արևմտահայության դժնդակ կացությանը: Արդեն գարնանը եվրոպական դիվանագիտությունը կրկին ձեռնամուխ եղավ հայկական հարցի վերաբերյալ, իսկ երիտթուրքական «պետական հանճարը» եզրակացրեց՝ «Օսմանյան մնացած երկիրները հնարավոր է պահպանել եվրոպայի ոտնձգություններից՝ հայ տարրը ոչնչացնելով»³⁶: Արևմտահայության կյանքում սկսվեց եղերական մի շրջան, որը ոչնչով չէր զիջելու մեր բազմատանջ ժողովրդի նախորդ ողբերգություններին:

1913 թ. ապրիլի 22-ին Դիարբեքիրում ֆրանսիական հյուպատոսը հայտնում էր, որ վլայթում ստեղծվել է լարված իրավիճակ և ռի բացառվում հայերի նոր կոտորածների հնարավորությունը»³⁷: 1913 թ. մայիսին Բիթլիսից Ա. Բերեզովսկին (Օլգենինը) հայտնում էր. «Այստեղ չկա հայ, որը վրստահ լինի այն բանում, որ վաղը շուկա դուրս գալով, վալըագորեն խողխողված, կամ գնդակահարված չի լինի, իսկ տանը մնացած նրա կինը կամ աղջիկը՝ պատվազրկված, այստեղ չկա հայ կին կամ աղջիկ համոզված, որ իրեն ամենանողկալի ձևով չի անարգի վայրի սրիկաների հրոսակախումբը, այստեղ չկա հայ ծնող, որ չկասկածի այն բանում, որ դպրոց ուղարկված իրենց զավակները կենդանի կվերադառնան»³⁸:

1913 թ. մայիսին էրզրումի ռուսական հյուպատոս Ագամովը ահազանգում էր, որ երիտթուրքական ագիտատոր, կապիտան Հասան խանը բացահայտորեն կոչ է անում այլևս չուշացնել հայերի կոտորածը և որ դրա համար նա արդեն ստացել է բոլոր քուրդ բեկերի համաձայնությունը»³⁹:

Ամեն օր Կ. Պոլսի դեսպանատներ՝ հյուպատոսներից ու փոխհյուպատոսներից, հայոց պատրիարքարան՝ թեմի առաջնորդներից, թերթերի խմբագրություններ՝ տեղական թղթակիցներից, հասնում էին գույժեր և օգնության կոչեր, որոնք վկայում էին, որ Արևմտյան Հայաստանում ծավալվող իրադարձությունները ոչ այլ ինչ են, եթե ոչ ծրագրավորված կոտորածի շարագուշակ նախանշաններ: 1913 թ. մայիսի 18-ին պատրիարք Հովհաննես Արշարունու՝ մեծ վեզիր Մահմուդ Շեքեթ փաշային հանձնված հերթական թաքրիրում մատնանշվում էր, որ հայկական վիլայեթներում կատարվող սպանությունները, բռնությունները, հափշտակություններն ու կողոպուտները, առանց չափազանցությունների, կրում են զանգվածային՝ կոտորածների բնույթ»⁴⁰:

Այնուամենայնիվ, երիտթուրքերին չհաջողվեց 1913 թ. գարնանն ընդհանուր կոտորածի պլաններն իրագործել, քանի որ Հայկական հարցը դրվել էր միջազգային դիվանագիտության վիճասեղանին, և նրա նկատմամբ բոլոր մեծ տերությունները սուր հետաքրքրություն էին ցուցաբերում: Դա հակասում էր Արևմտյան Հայաստանը անաղմուկ հայազերծելու երիտթուր-

³⁶ Նոր հոսանք, 1913, № 2, էջ 467:

³⁷ АВІР, ф. 113, Канцелярия МИД, оп. 470, д. 114, л. 249.

³⁸ Биржевые ведомости, 14. V. 1913.

³⁹ Геноцид армян в Османской империи, с. 255.

⁴⁰ АВІР, ф. Посольство в Константинополе, оп. 517/2, д. 3726, л. 100.

քական պլաններին, Բացի այդ, հայ հասարակական-քաղաքական շրջանները դեռ 1912 թ. աշնանից ձերբազատվել էին միշկուսակցական պայքարից և հաստատել համազգային միություն: Դա երիտթուրքական պրովոկացիաներից և զանազան անպատեհություններից խուսափելու որոշակի պայմաններ ստեղծեց:

1914 թ. օգոստոսին սկսվեց առաջին աշխարհամարտը, որը երիտթուրքերը հայազերծումի քաղաքականությունը գազաթնակետին հասցնելու առիթ դարձրին: Հայոց ցեղասպանությունը թուրքական կառավարող շրջանների շարունակական քաղաքականության բոլորումն էր:

ИЗ ИСТОРИИ МЛАДОТУРЕЦКОЙ ПОЛИТИКИ ГЕНОЦИДА АРМЯН

М. Е. МАРТИРОСЯН

Р е з ю м е

Современные турецкие фальсификаторы истории не признают истребление западных армян в 1915 г. Искажая историю армянского народа в годы первой мировой войны, они пытаются представить геноцид лишь, как переселение, обусловленное обстоятельствами военного времени. В подобной постановке вопроса первоочередное значение приобретает научное освещение младотурецкой политики геноцида армян не только в годы первой мировой войны, но и в более ранний период.

Традиционная турецкая политика истребления армян после прихода к власти младотурок приобрела еще больший размах.

FROM THE HISTORY OF YOUNG TURKS' POLICY OF ARMENIAN GENOCIDE

M. E. MARTIROSIAN

S u m m a r y

Modern Turkish falsifications of history don't admit the extermination of the west Armenians in 1915. Falsificating the history of Armenian people during the first world war, they try to present the genocide only as a migration, which was conditioned by the circumstances of war time. In such situation of the question the scientific elucidation of Young Turks' policy of Armenian genocide not only during the first world war, but also in early period, acquires a primary significance.

The traditional Turkish policy of extermination of Armenians after the Young Turks' advent to power acquired still greater range.